



雷公炮製藥性解卷之四

雲間李堪梓佳種編輯  
吳門王子接音重訂

草部下

燈心味淡性寒無毒入心小腸二經主胸腹邪氣清心定驚除  
熱利水燒灰敷金瘡止血療小兒夜啼吹喉中治急喉痺甚捷  
按燈心味淡五臟無歸歸入小腸利水訣曰小腸受盛與心  
應故又入心經燒灰性涼宜治療如石

石斛味甘性平無毒入胃腎二經補虛羸煖水藏填精髓強筋  
骨平胃氣逐皮膚邪熱療脚膝冷痺久服厚腸胃定志除驚去  
根酒浸一宿曝乾酥炙用陸英為使惡寒水苦巴豆畏蠶蚕雷  
丸

按石斛入腎則補主下部矣而又入胃者蓋以其味甘按助  
腎而不傷于熱平胃而不傷于燥之故也

雷公云凡使先去頭上子用酒浸一宿漉出曬乾  
再用酥蒸從巳至酉却徐徐焙乾然後用

石葦味苦甘性平无毒入肺膀胱二經主勞熱邪氣五淋癰閉  
膀胱熱滿癰疽發背除煩下氣補虛益精拭去毛羊脂炒焦用  
絡石杏仁為使得薑蒲良

按石葦清熱利水本入膀胱而肺則下連者也宜兼入之既  
能清熱利水則无陽亢陰傷之患

白茯苓子味苦辛性温无毒入肺肝腎三經主惡血塊癥結喉  
痺產難乳閉小兒頭瘡皮膚風癢頭痛欬逆肺痿除煩下氣明  
眼目去燥熱療腫毒止遺泄其葉可作浴湯治風柝去刺酒蒸  
炒用烏頭為使沙苑蒺藜主補腎添精強陰種子

按痰熱行血宜人肝經下氣宜入肺經惡血等症皆二經病也故俱主之其所以入腎者因肺爲之母肝爲之子未有子母俱利而腎不受其益者故能止遺洩產沙苑者誠續嗣神丹而本草不言惜哉

雷公云

凡使採得後揀淨了蒸從午至酉出日晒  
惟春合皮上刺盡用酒拌再蒸一二時用

青箱子味苦性微寒无毒入心肝二經主邪氣皮膚風熱溼瘡殺三虫疥虫惡瘡痔蝕下部蟻瘡鎮肝藏堅骨筋益腦髓明目  
目一名草蒿

按青箱子苦者丙丁之味也青者甲乙之色也故入心肝二經本經並不言治眼而藥性論及日華子皆言之亦以苦寒之性能清肝藏熱毒上衝耳

雷公云

凡使勿悞用恩蕒子并鼠細子兩件頗相  
似只是味不同其恩蕒子味粗煎之有涎

# 原书缺页

原书缺页

按姜黃本草亦曰性寒而陳藏器及日華子咸謂其熱辨之  
悉矣能傷元氣用者審之

牛蒡子味辛性溫無毒入十二經主風濕癰疹盈肌咽喉風熱  
不利諸腫瘡瘍之潤腰膝凝滯之氣潤肺止咳散氣消痰酒拌  
蒸待有白霜出拭去焙乾搗用一名惡實一名鼠黏子

按主治秘訣及東垣皆云牛蒡子辛溫故能入十二經而通  
散也潔古云吞一枚可出癰疽頭亦表其辛散之功耳本草  
言其性平誤矣

紫草味苦性寒無毒入心小腸二經主心腹邪氣脹滿作痛癰  
腫諸毒除五疸利九竅通水道小兒血熱瘰癧尤爲要劑取嫩  
茸去髭用

按紫草主血熱本入心經而小腸者受盛而與心應者也故

并人之邪氣諸症咸本于熱今清其心而自愈矣

雷公云凡使先用蠟水之待水乾取去頭并髻斤用蠟二兩鎔化用

白頭翁味苦性溫有小毒入心腎二經主溫瘧發狂癥瘕積聚

癭瘤爛癰金瘡鼻衄齒痛腹痛骨痛赤毒痢下男子陰疝偏腫

小兒頭禿瘡腥豚實為使得酒良

按白頭翁味苦本入心經經曰腎欲堅急入苦以堅之故又

入腎溫瘧等症无非水衰火旺故治之

白前味甘辛性微溫无毒入肺經上下氣除嗽氣寒呃上衝不

得睡卧氣逆冲喉呼吸欲絕腹中時時作水雞聲甘草水浸一

宿去頭鬚子焙乾用忌羊肉

按白前色白味辛故入肺經主一切氣症

白微味苦鹹性大寒无毒入心腎二經主暴中風身熱腹滿忽

雷公藥性解卷四草部下



忽不知人狂惑鬼邪寒熱酸疼溫瘧洗洗發作下水氣利陰氣  
定驚益精以糯米泔浸一宿去髭細判蒸用惡黃芪大黃大戟  
乾姜大棗乾漆山萸

按白微味苦入心鹹入腎故主治如右

白附子味甘辛性溫无毒入肺脾二經主中風失音一切冷風  
氣頭面百病斑點風瘡疥癬心痛血痺陰囊濕癢入藥炮用新  
羅出者佳

按白附色白味辛故宜入肺以治風痰甘而且溫故宜入脾  
以治皮膚陽中之陽能土升故治面病

蚤休味苦微寒有毒入心經主驚癇疾瘰癧陰蝕癰腫毒瘡  
小兒胎風手足抽掣下三虫去蛇毒一名紫河車一名重樓金

線

按蚤休味苦故入心經以治驚癇等疾而能解毒

白蘇皮味苦鹹性寒无毒入肺小腸二經主頭風黃疸欬逆淋瀝濕痺死肌一切疥癩惡風疥癬楊梅諸瘡熱毒天行時疾頭疾眼疼女子陰痛小兒驚癇和血脉通九竅利小腸惡蠓蝟結梗茨苔草蘇

按白蘇皮入肺經故能去風入小腸故能去濕夫風濕既除則血氣自活而熱亦從此逝去矣

蘆薈味苦性寒无毒入心肝二經消風熱除煩悶明眼目治驚癇殺三虫療五疳及疥癬痔漏諸瘡解巴豆毒

按蘆薈之苦本入心經而肝則其母也故亦入之在小兒驚瘡諸熱尤為重藥

雷公云

凡使勿用雜象胆其象胆乾了上有竹根光賦和象葉搗此藥壳島成粉

雷公藥生召

胡黃連味苦性寒無毒入肝胆胃三經主傷寒咳嗽溫瘧發熱  
骨蒸勞熱三消五痔補肝胆明眼目止瀉痢益顏色治小兒驚  
疳霍亂大人五心煩熱婦人胎蒸虛驚惡菊花立參白蘚皮忌  
猪解巴豆毒折之出塵如烟者真

按胡黃連苦寒能瀉三經之火小兒多熱症最宜

澤蘭味苦性微溫無毒入小腸經通肝脾之血產前後百病皆  
治通九竅利閭脉又主頭風目痛鼻紅吐血治癰排膿防已爲  
之使

按澤蘭能通利小腸則肝脾無壅閉之患故能通閭竅以理  
血脉也行血而无推蕩之患養血而无臑滯之虞所以爲產  
科聖藥凡癰瘡皆因血熱故亦治之

雷公云

要別識雌雄其形不同大澤蘭形葉皆圓  
能生血益氣與柴合小澤蘭通別同用

狗脊味苦甘性微温无毒入腎膀胱二經主腎氣虛弱風寒濕痺腰膝軟弱骨節痠疼老人矢溺不節女子傷中淋露酒蒸用  
草薺爲使惡敗醬

按狗脊入腎故主骨病入膀胱故主溼病

青蒿味苦性寒无毒入心經主骨蒸勞熱虛煩盜汗明目殺虫  
童便浸七宿晒乾用

按青蒿苦入心故瀉丙丁以理諸疾

葦撥味辛性大温无毒入肺脾胃膀胱四經主温中下氣消食  
開痰治陰疝止霍亂除瀉痢日久療心腹冷痛醋浸一宿刮去  
皮粟子合淨方用

按葦撥辛走肺家温宜脾胃膀胱肺縮故減入之

王不留行味苦甘性平无毒入心肝二經主金瘡止血癰疽毒

瘡心煩鼻衄難產出竹木刺入肉治風毒通血脉酒蒸焙用

按王不留行尚療血症而心主血肝藏血者也故均入之癰疽等症血不和也經曰營氣不從逆于肉理乃生癰腫此主和血固宜治之又治風痺者所謂治風先治血血行風自滅也

淫羊藿味辛性溫無毒入腎經主絕陽不起絕陰不育莖中作痛小便不利益氣力堅筋骨丈夫久服令人无子每斤去花細剉拌羊脂四兩炒盡脂爲度山藥紫芝爲使得酒良一名仙靈脾

按仙靈脾入腎而主絕陽等症其爲補也明甚乃繼之曰久服无子毋乃惑乎不知此劑專助相火令人淫慾不休慾太甚則精氣耗經曰因而強力腎氣乃傷高骨乃壞且命門之

火乘水之衰，挾土來剋生之不保其能嗣耶。

雷公云

凡使先須時呼仙靈脾須用夾刀夾去葉枝盡後細判用羊脂相對拌炒過然後用

巴戟天味甘性微溫無毒入脾腎二經主助腎添精除一切

風及邪氣酒浸用覆盆為使惡雷九丹參

按巴戟之溫本專補腎而肺乃腎之母也且其味辛故兼入

之以療風凡命門火旺以致泄精者忌之

雷公云

凡使先用枸杞子湯浸一宿待稍軟漉出酒浸一時又漉出川菊花同熬令焦黃用

蘭葉味甘性寒無毒入肺經止渴生津益氣散鬱

按丹溪云蘭葉稟金水之精故入肺臟昔東垣方中嘗用之

經曰消諸痺治之以寒是也命屢驗之

水萍味辛酸性寒無毒入肺小腸二經消水腫利小便逐風寒

堪谷遍身瘡癢發汗甚于麻黃

按水萍入肺故主祛風入小腸故主祛濕此是水中大萍非溝渠所生者高供奉採萍歌云不在山不在圻採我之時七月坐選甚癰風與緩風些小微風都不算豆淋酒下雨三丸鐵幘頭兒都出汗以此觀之其功甚于麻黃可知矣

決明子味鹹苦甘性平无毒入肝經主青盲赤白翳膜時有泪出除肝熱療頭風研末塗腫毒貼腦止鼻紅者實為使惡大麻子

按決明耑入厥陰以除風熱故為眼科要藥鼻紅腫毒咸血熱也宜其療矣

革麻子味甘辛有小毒入脾大腸二經主水腫腹滿臟腑燥熱無名腫毒敷之可消口眼喎斜敷之可正塗足心下胞胎如神塗巔頂收生腸其捷忌見鉄器服過者一生忌食豆誤犯之腹

脹猛甚

按丹溪云草麻子屬陰故入太陰陽明以驅水滿以催產難固矣而无名腫毒熱也口眼喎斜風也何併治之豈其辛甘發散之功耶

葉主脚氣風腫不仁搗蒸傳之

雷公云

凡使勿用黑天赤利子絲在他處屢上生是以有毒藥守不用其草麻子形似巴豆而光滑有黃黑延點凡使先須和皮用鹽湯羊半日去皮取肉研過用

馬鞭草味甘苦性寒有小毒入肝肺二經主活血通經治金瘡

諸瘡癩取汁和酒服

按肝藏血者也脾裏血者也馬鞭草主血分故入是二經

蘆根味甘性寒无毒入肺胃二經主消渴客熱止小便利治五噎膈煩氣煩悶吐逆以蘆根五兩水三盞煮一盞服甚效



按蘆根主氣逆嘔噦故入太陰陽明消渴之症亦以氣化不  
及州都故也今得蘆根以理太陰而津液之生必矣

蛇床子味苦辛甘性平有小毒入肺腎二經主風寒濕痺諸惡  
瘡癬婦人陰中腫痛男子陰痿濕癢久服駐顏輕身令人有子  
酒浸一宿地黃汁拌蒸焙乾用惡牡丹皮巴豆貝母

按蛇床理風濕宜入太陰補虛痿宜入少陰

金銀花味苦甘性平微寒无毒入肺經主熱毒血痢消癰散毒  
補虛療風久服延年

按金銀花解肌膚之毒故入肺經爲瘡利要藥陶隱居云常  
服益壽人多忽之使求難得者是貴遠賤近庸人之情乎

山豆根味甘性寒元毒入心肺二經主解諸藥毒止咽喉痛退

熱消癰